

Ինչ վերաբերում է անուան պէտք է ասել Տիգրանուհի յատուկ անուն չէ, ինչպէս և անոյշ և դուխտ վերջաւորուած բառերը, այլ մէկի գուտար կամ քոյր է նշանակում, այնպէս որ գուցէ թէ Տիգրանուհու իսկական անունն է Մանուշակ, Նուբար-Նունուֆար<sup>1</sup>, և կամ գուցէ նորան փոխարինել են նման պարագաներում համանուններ յետագայ դարերում: Մանուշակ անուան մենք հանդիպում ենք և մի այլ հեքաթում, «Անգին Բիլբուլ ու տիկին Մանուշակ», որ նոյն տողում կոչւում է Կիւլի փէրի<sup>2</sup>:

§ 4. Այժմ դառնանք մեր երեք նոր փոփոխակներին:

№ 16-ը նման է շատ բաներով և պատմուածքի ընթացքով № 17-ին. ունի հետեւալ նոր գործող անձերը. Հնդու Եամանար թագաւոր, Կլիճ-Բաթման և Քեամուսէ-Քեաշան օտարներ, և հայ Վարդան: Առաջինը մենք չգիտենք ով է, երկրորդը յիշեցնում է մեզ Կլիճ (=տուր) մակդիրով միջնադարեան թուրք սուլթան Կլիճ-Արսլանի նման մինը Սասունի հարաւում, ինչպէս որ կայ Բաթմանայ Բիւղէն-Քեամուսէ Քեաշանը թուում է Շահնամէից անցած. իսկ Վարդանը՝ անշուշտ Մամիկոնեան ծանօթ համանուն քաջերից մինն է:

Գլխաւորն այն է, որ այս վէպով պարզւում է մեր հէքաթներում յաճախ գործածուած «Արևելից» և «Արևմտոց» թագաւոր անորոշ բառերը: Չհայելով որ Մ. Խորենացին Հայոց աշխարհը «հանուրց հիւսիսականաց զեհագոյն» է կոչում, բայց և այնպէս մեր այս փոփոխակում «Արևելից թագաւոր» (№ 16, § 1, 101, 111) Հայոց թագաւորն է: «Արևելից տուն» է կոչւում Մեծ Հայքը և ԺԲ դարու յիշատակարաններում<sup>3</sup> անշուշտ «բնիկ հայկազանց աշխարհը» Կիլիկիայից տարբերելու համար: Իսկ Արևմտոց կամ Արևապտոց թագաւորը որ յիշւում է և մի այլ փոփոխակում (№ 1, Ե, էջ 15) Բիւղանդիոնը<sup>4</sup> պէտք է հասկանալ:

Հետաքրքրական է և սորա մի իրաւագիտական տեղեկու-

1. Կերմանացի գիտնականներ Բելի եւ Աեմման քաղմամիւ փաստերով ապացոյցեցին, որ ոչ թէ Համիդ-Գիարրեբիբն է մեր հին Տիգրանակերար. այլ այժմեան Ֆարկինը (Նփրկերտ, Մարտիրոսաց քաղաք). Արդ Տայրըր Ֆարկինի տեղական հայերից լսել է, որ այդ քաղաքը շինել է Նուֆար [=Նուբար թէ Նունուֆար] Տիգրանի քոյրը (C, X. Lehmann-Haupt, Armenien Einst und Jetzt, էջ 406, 539. Berlin 1910):

2. Էմինեան Ազգապ. ժող. Գ. § 55, էջ (217—225) 217. 220. 221. Մոսկուա-Վաղարշապատ 1902:

3. Սամ. Անեցի. Յուելուածներ. Գ, էջ 215: Ե, էջ 240. Վաղարշապատ, 1895:

4. Մանանայ էջ 171—214, Թիւ 4—6 հերթները Քաջանց տան դրոյցի հետքեր ունին, Երազատեան էլ կարծես Արշակ Բ. է: